


大唐六典

7條4
9.042
28



明 刀保 4
號 9.042
大 28

大唐六典太子左右衛及諸衛所屬二十八

御製

太子左右衛及諸衛所屬二十八
御製

太子左右衛及諸衛所屬二十八
御製

大唐六典太子左右衛及諸率府第二十八

御撰

集賢院學士兵部尚書兼中書令修國史

上柱國開國公臣李林甫等奉 敕注上

太子左右衛率府

率各一人

副率二人

長史一人

錄事參軍事一人

錄事一人

史二人

倉曹參軍事一人

府一人

史二人

兵曹參軍事一人

大曹府二人

史三人

曹參軍事一人

府二人

史二人

亭長二人

掌固二人

司階一人

中候二人

司戈二人

執戟二人當作三人

左右率府親府勳府翊府

中郎將各一人

左郎將一人

右郎將一人

錄事一人

兵曹參軍事一人

府一人

史二人

校尉五人

旅帥十人

隊正二十人

副隊正二十人

太子左右司禦率府

率各一人

副率二人

長史一人

錄事參軍事一人

錄事一人

史二人

倉曹參軍事一人

府一人

史二人

兵曹參軍事一人

府二人

史三人

大曹曹參軍事一人

府二人

史三人

亭長二人

掌固二人

司階一人

中候二人

司戈二人

執戟三人

太子左右清道率府

率各一人

副率二人

長史一人

錄事參軍事一人

錄事一人

史二人

倉曹參軍事一人

府一人

史二人

兵曹參軍事一人

府二人

史三人

冑曹參軍事一人

府二人

史二人

亭長二人

掌固二人

司階一人

中候二人

司戈二人

執戟三人

太子左右監門率府

率各一人

副率二人 旧唐志作一人

長史一人

錄事參軍事一人

錄事一人

史二人

兵曹參軍事一人

府二人

史二人

曹曹參軍事一人

府二人

史二人

亭長二人

掌固二人

監門直長七十八人

太子左右內率府

率各一人

副率一人

長史一人

錄事參軍事一人

錄事一人

史二人

兵曹參軍事一人

府一人

史二人

曹曹參軍事一人

府一人

史一人

亭長二人

掌固二人

千牛十六人

備身二十八人

主仗六十人

太子左右衛率府率各一人正四品上

秦漢詹事屬官有太子衛率後漢為少傅屬

官秩四百石主門衛士魏因之晉初為衛率

晉志衛上有中字太始五年分為左右二率惠帝為

太子加置前衛率愍懷在東宮又加後衛率

故元康之中凡四衛率成都王拋宋志及通典王下脫穎

字為太弟又置中衛率是為五率凡太子出

前衛率導在前黃麾外太平御覽引左右二

率從挾導輿車後衛率從在烏皮外並載通典

及通志畧載作帶 戟執刀四率各丞一人服視左右

衛將軍品第五位同中庶子過江省前後率

梁梁字可削孝武帝復置宋又省按宋志云宋世止置左右二率

齊左右衛率武冠絳朝復復當作服品第五秩千

石梁位視御史中丞左衛率領果毅統遠立

忠建寧陵銘拋隋志銘夷冠祚德等七營右

衛率領崇榮永吉崇和細射等四營陳因之

後魏太和二十二年太子左右衛率從第三

品後魏志初第三品北齊有太子左右衛坊

率後周東宮官員有司成拋通典成司武司

衛之類至隋文帝始分置左右衛率左右宗

衛率左右虞候開府左右內率左右監門率
 凡十府以備儲闡武衛之職煬帝改左右衛
 率為左右侍率皇朝復為左右衛通典衛下有率府二字
 龍朔二年改左右衛府為左右典戎衛咸
 亨如故掌統東宮二寺十率府之事舉其紀
 綱而修其職務焉

副率各二人從四品上

隋文帝置煬帝改為左右侍副率皇朝復為

左右衛副率龍朔咸亨隨衛改復

左右衛率掌東宮兵仗羽衛之政令以總諸曹
 之事凡親勲翊府及廣濟等五府屬焉副率為
 之貳凡元正冬至皇太子朝宮臣及諸方使則
 率衛府之屬以儀仗為左右廂之周衛若皇太
 子備禮出入則如鹵簿之法以從每月親勲翊三
 府之衛及廣濟等五府之趨乘應番上者配于
 所職

長史各一人正七品上

隋置皇朝因之

錄事參軍事各一人從八品上

隋置皇朝因之

倉曹參軍事各一人從八品下

隋置皇朝因之

兵曹參軍事各一人從八品上

舊新唐志
上作下

隋置皇朝因之

曹曹參軍事各一人從八品下

隋置為鎧曹皇朝因之長安中改為曹曹參

軍神龍初復為鎧曹大極中又為曹曹

司階各一人從六品上

中候各二人從七品下

司戈各二人從八品下

執戟各三人從九品下

長史掌判諸曹及三府五府之事凡府事大事

則從其掌小事則專達季秋以其屬官之狀上於率而為之考課

錄事參軍事掌監印發付勾稽

倉曹掌親勲翊三府廣濟等五府文官之簿書凡勲階考課假使祿賜及公廨財物田園食料皆典之

兵曹掌親勲翊三府廣濟等五府武官親勲翊衛士之名簿及其番上差遣之法式凡上番者

皆受其名簿而咨配于率兼知公私馬及雜畜之簿帳

曹曹掌親勲翊三府廣濟等五府器械諸公廨繕造之物事凡大朝會行從應請戎仗者則具其名數受之於主司既事而歸之

左右率府親府勲府翊府中郎將各一人從四品上

中郎將之說已具上左右衛梁左衛率領七

營右衛率領四營二率各領殿中將軍十人

負外將軍十人又有正負司馬負外司馬隋志

司馬下有督官其三字已下屯騎步兵翊衛

至前字七處以隋志校注衛當三校尉謂之三校旅賁中郎將并并當作冗

從僕射謂之二將又有左右積弩將軍各一

人北齊太子左右衛坊率各領騎官備身員

又有內直備身正副都督督下有內直二字備身二

職二當作五職下有內直備身四字等負又有直閣直前直後

負又有旅騎屯衛典軍等校尉各二人騎都

尉當作騎尉三十人階左右衛率下有直閣四人

直寢八人直前前作齋直後各十人皇朝左右

衛率各置親勳翊親府樞通典親府當作三府每府中

郎將二人郎將二人掌其府校至至當作尉旅帥

及親勳翊衛之屬以宿衛

左右郎將各一人正五品下

皇朝置

中郎將郎將掌其府校尉旅帥及親勳翊衛之屬以宿衛而總其府事

兵曹掌判勾若大朝會及皇太子備禮出入則從鹵簿之法而監其羽儀

太子左右司禦率府率各一人正四品上

隋文帝置左右宗衛率各一人副率二人掌

領隋志領宗人侍衛職擬左右領軍將軍加

置行參軍二人煬帝改為左右武侍率皇朝

復為左右宗衛龍朔二年改為左右司禦衛

率府神龍初又為宗衛開元初唐志及通典

復為左右司禦率衛唐志衛

副率各二人從四品上

隋文帝置皇朝因之其後改復皆隨於府

左右司禦率府率長長同左右衛率副

率為之貳郊城等三府之旅賁應番上者各配

于所職

長史各一人正七品上

錄事參軍事各一人從八品下

倉曹參軍事各一人從八品下

兵曹參軍事各一人從八品下

曹參軍事各一人從八品下

隋置左右虞候開府初無錄事有長史及四曹參軍至煬帝改為率府始置錄事皇朝因之餘具上說

司階各一人從六品上

中候各二人從七品下

司戈各二人從八品下

執戟各三人從九品下

長史掌判諸曹及郊城等三府之事餘皆如左

右率府

太子左右清道率府率各一人正四品上

隋文帝置左右虞候各開府一人掌斥候非

連

隋志非連作同非

職擬左右金吾將軍煬帝改為

左右虞候率又各置二人皇朝因之龍朔二

年改為左右清道衛神龍初又為虞候率府

開元初復為清道率府

副率各二人從四品下

舊唐志下作上

隋煬帝置皇朝因之龍朔開元隨府改復

左右清道率府率掌東宮內外晝夜巡警之法

以戒不虞凡絳邑等三府皆屬焉副率為之貳

凡皇太子出入則領其屬以清游隊為之先以

後拒隊為之殿其餘依鹵簿之法以從凡仗衛

之出入置細引以導之兼為之糾正

凡五十人用左右率之親勳翊衛為之分為

五番每番有主師師當作帥及中郎或左右郎將

一人領焉

每月絳邑等

樞玉海等下脫三

府之直盪應番上者配

于所職

長史各一人正七品上

錄事參軍事各一人從八品上

倉曹參軍事各一人從八品下

兵曹參軍事各一人從八品下

曹參軍事各一人從八品下

司階各一人從六品上

中候各二人從七品下

司戈各二人從八品下

執戟各三人從九品下

長史掌判諸曹及絳邑等三府之事餘如左右

率府

太子左右監門率府率各一人正四品上

隋文帝置左右監門率各一人副率各二人

掌諸門禁擬禁擬間脫職字左右監門將軍各有直

長十人煬帝改為左右監門將軍擬隋志監門將軍當

作官門將降為正五品皇朝復改為監門率龍朔

二羊改為左右從

通典從作崇

掖衛咸亨復舊垂

拱中改為鶴禁衛神龍初復舊

副率各二人從四品上

隋文帝置正五品皇朝因之龍朔開元隨府改復

左右監門率府率掌東宮諸門禁衛之法副率為之貳凡東宮諸司應以籍入于宮殿者皆本司具其官爵姓名以牒門司門司送于監門監

門之主與判曹印署復送于門司門司會之同則聽入凡東宮內外門之守者並司其出入凡財物器用之出入于宮禁者皆以籍傍為據左右監門以出入之若皇太子出入則依鹵簿之法率其屬於牙門之左右以為捍守長史各一人從七品上

錄事參軍事各一人正九品上

兵曹參軍事各一人正九品下

曹曹參軍事各一人正九品下

隋置左右監門率有長史已下等負無倉曹以兵曹兼掌其事皇朝因之

長史掌判諸門禁衛之事

錄事參軍事掌印兼勾稽失

兵曹兼倉曹之職餘皆如左右率府其諸司籍傍判於監門者檢其官爵姓名年貌監其器物檢其名數月終諸門之籍傍歸於府者則會其

出入之數

曹曹掌器械及公私馬驢雜畜土木繕造之事凡諸府直馬配於左右監門之巡探者則請其料歸於馬主禁其隱歿棄遺者

太子左右內率府率各一人正四品上

隋文帝置左右

掘隋志右下脫內字

率副率領東宮千

牛備身侍奉之事職擬千牛將其一

將其一疑當作

將軍備身有千牛備身八人掌執千牛刀備其

身左右十六人十六人隋志作八人掌供奉弓箭備身

二十人掌宿衛侍從煬帝降內率為正五品

皇朝因加至四品上龍朔二年改為左右奉

御通典御作裕率神龍初復舊

副率各一人從四品上

隋置皇朝因之龍朔神龍隨府以復

左右內率府舊唐志無府字之職掌東宮千牛備身侍

奉之事而主其兵仗總其府事而副率為之貳

以千牛執細刀弓箭以備身宿衛侍從以主仗

守戎服器物凡皇太子坐朝則領千牛備身之

屬升殿若射于射宮則率領其屬以從位定千

牛備身奉細弓及矢立於東階上西面率奉弓

副率奉矢及決拾北面張弓左執弣右執簫以

進副率以巾拂矢而進進訖各退立於位及射

左右內率啓其矢中及不中既事受亦如之

長史各一人從七品上

錄事參軍事各一人正九品上

兵曹參軍事各一人正九品下

曹曹參軍事各一人正九品下

隋置左右內率有長史已下等負無兵曹皇

朝置之

長史掌判諸曹官吏及千牛備身之事餘如左

右率府

錄事參軍事掌印簽勾簿書及其勲階考課執

失

兵曹掌文武官及千牛備身之簿書及其勲階

考課假使祿奉之事

曹曹掌細引仗及羽儀之物自千牛已下各分

而典之

大唐六典太子左右衛及諸率府卷第二十八

